

欽定平定教匪紀略

欽定平定教匪紀畧卷二十二

十一月二十五日

子戌

那彥成高杞楊遇春奏言

竊<sub>臣</sub>等據楊芳特依順保等馳報該鎮等於十

九日將司寨村莊嚴密圍攻後賊匪拒守不出

二十日黎明督率官兵奮勇攻打屢次越濠攀

牆皆被鎗石所阻直至巳刻復於寨之後面督

令健勇兵丁齊力折牆詎賊鎗石如雨

乾清門侍衛伊爾通阿面帶鎗傷五處胸傷一處  
吉林委叅領福林德越牆被戕綠營官兵受傷  
居多我兵勇氣益奮不避鎗石至未刻始挖毀  
寨牆一段該匪復用門板磚木抵塞滿漢官兵  
併力衝入一擁而登鎗箭並發將賊匪壓下寨  
牆寨內街道逼窄短兵相接賊勢不支紛紛避  
匿民房悉力抵拒查司寨共有民房二百數十

間縱橫高聳皆係磚石砌就又有礮樓七八處  
堅不可破賊匪據險擲石鎗礮亂發我兵復受  
傷數十名時已酉末該鎮等誠恐逆首黑夜竄  
逃萬不得已始行四圍舉火且焚且攻賊匪有  
冒烟突火及焦頭爛額而出者共生擒二百餘  
名詰訊逆首李文成同大頭目等藏匿房內樓  
上尙未被焚楊芳特依順保色爾滾德寧阿率

衆齊入首先登樓樓上突有一賊自稱劉暎明  
持刀躍出連殺兵丁二名官兵始行開鎗將劉  
暎明擊斃並喝令李文成如果投出餘賊均皆  
免死該逆首自出指稱李文成在此只管開鎗  
來打我斷不出來等語兵丁等聞聲俱各持刀  
撲進詎該逆首自己舉火焚燒賊衆四五十人  
羣相擁抱致將該逆首壓斃計寨內賊匪約共

七八百人並無一名得脫者屍骸枕藉隨於積屍中逐加查驗次日黎明並令擒獲活賊詳細辨認內檢出李文成屍身一軀年貌相符頭紮網巾屍身係屬完全兩足夾爛傷痕顯然尙用膏藥敷貼綿布包裹左目有傷面帶鎗箭傷據活賊僉供的係李文成屍身衆口同聲指認屬實又檢出賊首劉峒明屍身一軀亦令活賊辨

認無異並據供稱此股著名賊首李文成劉幗  
明外餘係王修智宋老秀韓得衆劉幗泰衛揚  
名下各管戰手千餘人等語復於積屍內檢出  
王修智宋老秀屍身亦令活賊認明是實又於  
擒獲活賊中認出韓得衆劉幗泰衛揚三名不  
惟衆供確鑿且自認不諱餘賊概已燒斃實屬  
無從辨認奪獲鎗礮刀矛旗幟無數併獲大白

旗一面偽書大明天順李真主字樣現將活賊  
韓得衆劉輞秦衛揚三犯同挑出正賊二十餘  
名及李文成劉輞明等屍身解送大營聽候驗  
訊等情臣等查此股賊匪滋擾封邱陽武延津  
獲嘉新鄉輝縣等處並及林縣之臨洪鎮意圖  
北竄相距直隸邊界不遠勢甚鴟張關係非小  
今將此三四千賊衆三次接仗剿滅無遺事機



順利惟未能生致渠魁辦理究未妥協至目下  
兵威大震西北一帶人心俱可鎮定伏莽自必  
潛消臣等現復飛飭楊芳等在於輝縣就近嚴  
捕零匪務盡根株卽日撤兵回至大營併力攻  
城剋期收復臣等現已札致廣厚囑其前來軍  
營俟賊犯解到會同嚴審並再將李文成等屍  
身公同查驗此次陣亡吉林兵丁三名及綠營

弁兵多有受傷者另容查明咨部辦理

同日同典奏言竊臣接據同知武隆阿德州知州徐紹薪稟獲宋躍瀝等犯當經飭令解京茲續據該同知等稟送宋躍瀝供詞據稱我年四十三歲景州焦馬莊人平素會拳棒認得滑縣馮克善他是離字教頭武藝高強有十數人近他不得去年三月今年八月間馮克善曾到我

家住過十一月初十日日落時候他又來我家  
說他十月二十三日起更時同他徒弟牛文成  
卽牛亮臣之子並李大成二人帶領五百人出  
滑縣西門與官兵連打三仗不能跑出他就叫  
李大成牛文成帶人回城他獨自騎著一匹白  
馬手拏渾鐵大刀隨後直闖出來奔到南館陶  
在河灣子裏過夜二十四日天明時渡河是他

師弟趙老四預備的船過河後卽同至東店子  
村趙老四家住了三天因騎馬持刀難走連刀  
並馬俱交給趙老四又因原穿衣服靴子都有  
血跡細成一處棄在河裏借換了趙老四的衣  
服鞋襪並穿了自已墊馬鞍的一件狐狸馬褂  
於十月二十七日在趙老四家起身至十一月  
初十日來到景州焦馬莊我留他住了幾天到

十五日雇了小洋村劉添祥的驢一匹送他上  
隆化鎮他說由獲鹿上蒲州解梁去找他的師  
傅唐鬍子保著朱鹽霜卽朱大桃在山西起手  
還要與李文成爭勝負等語又詰問馮克善年  
貌據稱該匪年三十二歲車軸漢子黃圓臉微  
麻胖身量穿佛青線縐黃狐狸皮馬褂藍布面  
羊皮一裏圓頭戴毡帽青布單臉鞋有搭連布

被套一個內裝紫藍花布被一床裝作賣藥材  
的模樣他還說如獲鹿不好走卽走祁州等語  
臣查該犯所供是馮克善甫離景州不過八日  
行蹤不遠現已飛飭查拏不使漏網謹繕具朱  
躍瀝供單敬呈

御覽

同興又奏言竊臣欽奉

諭旨將曹州營叅將劉鳳喈遇賊曾否受傷或已被  
戕或係臨陣退縮之處查明具奏查劉鳳喈前在  
定陶縣屬紅蓮坑遇賊力戰衆寡不敵該叅將  
左肩受有矛傷臣到曹州時驗明屬實因業已  
痊愈是以前摺未經聲敘再東省現在出有都  
司守備各缺現當辦理軍務應請以軍營出力  
人員分別陞補謹開單進

呈伏候

施恩鼓勵均奏入

上諭內閣曰那彥成等奏官兵截剿輝縣竄匪全數  
殄滅殲斃逆首李文成及賊首劉峒明一摺所辦  
可嘉之至本年九月十五日之事首逆林清與李  
文成二人內外勾結約定同日起事適李文成在  
原籍滑縣被知縣強克捷訪拏研訊其黨羽見事



已敗露不能待九月十五之期卽劫獄戕官揭竿  
倡亂林清在京謀逆外援不至迅就捕誅而李文  
成在豫省指揮逆黨四出焚掠直隸長垣東明山  
東定陶曹縣等處同時蜂起戕害生靈經朕簡派  
領兵大員調集數萬官兵會同剿捕該逆李文成  
潛伏滑城見官兵連獲勝仗於未經合圍之先賊  
黨劉悃明等乘夜將該逆擁護出城另糾聚衆數

千人由封邱延津陽武竄至輝縣希圖入山奔逸  
若使遂其奸謀則滋蔓難圖朕之良民受其荼毒  
者又不知幾千萬人正在厯念適朕前派之吉林  
黑龍江馬隊官兵星馳到豫那彥成等派令德寧  
阿色爾滾帶領遄追又有楊芳特依順保二人管  
帶蘭州固原勁兵前往合剿追至輝縣司寨山中  
殲戮賊匪二千餘人首逆李文成率同賊目劉桐

明等數百人負嶠死守本日接那彥成六百里加  
緊奏報德寧阿楊芳等統率滿漢官兵奮力攻擊  
不避鎗石折毀寨牆一擁而登生擒賊匪二百餘  
名李文成避入樓房楊芳特依順保色爾滾德寧  
阿率衆直入該逆等無可逃避劉峒明自稱其名  
持刀躍出被官兵用鎗擊斃李文成亦對衆稱名  
舉火自焚經官兵搶出業已歷斃查驗屍身刑傷

痕跡顯然其餘賊目及從逆夥黨五六百名全行  
殲戮並無一名漏網實足以彰國憲而快人心該  
將領及滿漢官兵等倍常奮勇宜加優獎色爾滾  
德寧阿著加恩各賞加都統銜楊芳特依順保著  
加恩各賞加提督銜卽先換一品頂戴該四員仍  
俱賞給雲騎尉世職其本有世職者准其再兼一  
雲騎尉乾清門三等侍衛伊爾通阿身受六傷賈

勇力戰著加恩超陞爲乾清門頭等侍衛仍賞給  
勁勇巴圖魯名號再加賞四喜玉搬指一個花大  
荷包一對小荷包二個又發去玉柄小刀十把珞  
瑯翎管十個磁搬指套十個磁翎管十個分賞出  
力官弁一兩重銀鏤二百個五錢重銀鏤二百個  
一兩重銀牌一百面五錢重銀牌一百面分賞出  
力兵丁仍著那彥成等秉公查明官弁兵丁內奮

勇出力應行獎擢者據實保奏候朕施恩陣亡之  
吉林委叅領福林德著加等照叅領例賜卹逆首  
李文成著於剝屍後傳首河南直隸山東滋事地  
方示衆劉幅明亦著剝屍梟示其餘擒獲賊目韓  
得衆等審明卽於該處正法此股竄匪洗蕩淨盡  
殲厥渠魁滑城長圍已合餘賊聞風喪膽著那彥  
成等迅速進攻竚俟捷音再加懋賞將此通諭中

外知之

臣等謹按賊匪屯踞滑邑彈丸一城以大兵  
臨之似可立下而不免被其牽綴者當我軍  
進攻之始賊以道口桃源爲犄角之勢故道  
口不破桃源不滅則滑城之圍不能合也迨  
我兵合圍之後賊又以司寨爲逋逃之藪故  
司寨不洗則滑城之破難計日也李文成潛

出滑城謀保司寨彼亦自知滑城之難守而  
恃司寨爲可據使稍曠日玩時任其喘息卽  
不竄逸他往而布置聯絡相爲應援將以老  
我師焉我

皇上揆幾握要

發策如神逐寇追逃亟

申軍志故偏師緊躡旣雷擊而雷轟飛騎環攻復星



馳而雲集遏其鋌走聚而殲旃窮負嶠於數  
百里之間快焚巢於一晝夜之頃由是滑城  
賊匪勢孤膽寒守無外援遁無三窟我軍乘  
勝賈勇專注急攻所由旬日之間蕪全功而  
奏大捷也

上諭內閣曰同興奏請以軍營出力人員陞補都司  
守備各缺著照所請劉大用准其陞補寧福營都

司張壽寧准其陞補卽墨營守備其泰安營守備  
員缺著馬成符陞補

上命軍機大臣傳諭那彥成高杞楊遇春曰此股西  
竄賊匪經那彥成派令楊芳特依順保德寧阿色  
爾滾率領官兵奮勇追剿數日之間卽將首夥賊  
匪悉數殲除辦理安速事機極爲順利此時首逆  
已除滑城賊匪自必聞風膽落楊芳等搜捕事竣

想已帶領勝兵回營那彥成等當乘此軍威合力  
進剿指日摧堅盪寇一舉克復朕惟竚盼捷音之  
至此次殲獲賊匪除首逆李文成等在軍營剉屍  
傳首梟示外其餘無名賊目不值解京著那彥成  
等於審明後卽在軍營正法其應訊獲犯據那彥  
成奏稱札致廣厚前來軍營審訊廣厚到彼後計  
滑城亦卽攻破所有應訊要犯廣厚幫同訊明卽

令來京陛見速回湖南本任

上又命軍機大臣傳諭章煦曰昨據百齡奏到拏獲  
邪教案內僧人緒乾一名訊據供稱伊於嘉慶六  
年在京有原任刑部侍郎范建豐家奴王棟接充  
震卦教頭王棟本係教匪王子重之子稱呼王三  
爺緒乾彼時在西四牌樓廣濟寺中曾與王棟林  
清並王棟之表兄布大同到廟中會面以後王棟

林清時相往來等語當派英和查拏據奏范建豐家奴並無王棟及王三其人只有王二又名巴延已於三日前因銅案擬徒充配保定著章煦卽查明王二曾否到配迅速提案覈訊該犯是否王子重之子在范家名喚巴延出外則自名王棟問確姓名再向該犯研訊如何與緒乾布大往來及與林清熟識此三人之外還有何人同謀有無謀叛

情事錄取確供先行由驛速奏又據同興奏拏獲  
逆黨宋躍滙訊據供稱逆首馮克善從滑縣走出  
於十一月初十日到該犯家中十五日該犯代爲  
雇驢送至景州隆化鎮由獲鹿前赴山西並據馮  
克善告知如獲鹿不好走卽從祁州行走等語該  
逆馮克善甫於十一月十五日自景州起身潛赴  
山西由直隸境內行走計尙未能遠颺該署督迅

卽分飭各屬按照所供年貌服色嚴密查拏獲犯  
後派委委員嚴加鎖鑰解京訊辦本日據那彥成  
奏分竄輝縣司寨一股賊匪經楊芳等全數剿滅  
逆首李文成劉峒明等俱已殲斃滑城圍攻周密  
指日克復直省邊境無虞竄匪擾及惟查拏各處  
潛逸匪徒最關緊要所有著名逆犯內李文成劉  
峒明已被殲戮徐安峒牛亮臣等現在滑城困守

指日殲擒此外如馮克善一犯卽係最要逆目該  
署督當督飭各地方文武員弁認真設法躡緝如  
能弋獲必將獲犯之人優予恩施勉之毋怠若如  
前次所獲二劉第五俱係假冒屢次僞報成何事  
體不能宥汝矣慎之

上又命軍機大臣傳諭銜齡曰本日據同興奏稱拏  
獲教匪宋躍濠一犯訊據供稱逆首馮克善於十



月二十三日由滑縣逃出十一月初十日到景州  
宋躍濠家潛住四日十五日雇驢由獲鹿赴蒲州  
解州一帶尋找夥黨等語該犯係滑縣起事逆首  
現於本月十五日自景州起身由獲鹿潛赴蒲州  
解州一帶供詞確鑿今將該犯年貌詳悉示知著  
該撫遴委明幹員弁並嚴飭地方文武各官嚴密  
訪緝勿令漏網

上又命軍機大臣傳諭朱勳曰前據緒莊等於盛京  
地方拏獲習教匪犯王士青等訊據供稱聽從京  
城宣武門外善果寺街教祖奶奶高張氏傳教每  
年騙歛錢文送京當飭步軍統領衙門將該犯婦  
高張氏及伊女李高氏拏獲起出經卷符咒查驗  
卷冊上蓋用圖書有西漢興隆及雙峯陳印並陳  
恒義印陳美玉印字樣復查經卷內有陳金聲名

字並有家住漢中城固縣興隆寨及訂於陝西漢南樂城興隆山崇德堂等語陳姓潛赴京城傳習邪教必應嚴拏究辦著朱勳卽遵派妥幹員弁前赴漢中西鄉城固並漢南樂城一帶各按照住址姓名嚴拏務獲一經獲犯該撫親提訊取確供由驛速奏一面將該犯鎖鑰解京歸案質審

十一月二十七日

庚寅

上命軍機大臣傳諭托津那彥成高杞楊遇春日滑  
城克復後卽有搜捕零匪等事有那彥成高杞楊  
遇春三人在彼足敷分營督辦京城辦事人少托  
津卽可先行回京供職彼時著遵照前旨先將京  
兵凱撤再陝西西鄉城固等縣現有交朱勳查拏  
教匪陝西地方緊要各處官兵調出者不少富僧  
德昨因打仗受傷滑城旣克後西安滿洲官兵亦

可先撤著卽令富僧德管帶回營藉可彈壓地方  
鎮靜人心直隸各營官兵出征者共有六七千名  
各處城守亦覺空虛那彥成係直隸總督並著將  
不甚得力之兵先撤回一二千名交直隸鎮將帶  
回各歸本汛以資鎮撫其吉林黑龍江馬隊並甘  
肅蘭州固原得力之兵留爲分營駐紮搜捕零匪  
之用統俟餘匪淨盡地方實可放心再全行凱撤

可也

上又命軍機大臣傳諭方受疇曰司寨竄匪全數剿滅李文成劉幗明均已殲斃滑城指日克復城破之後恐不免有竄匪四逸該撫務督飭地方文武員弁將河岸一帶防守嚴密毋任散竄

上諭內閣曰逆賊林清與李文成二人互相勾結倡首作亂李文成曾兩次到京與林清面訂於本年

九月十五日起事屆期李文成由豫省帶領匪徒數百人來京接應適滑縣知縣強克捷訪知李文成逆謀於九月初間將該逆擊獲到案刑夾收禁賊黨馮克善等因謀救首逆遂聚集徒黨於初七日入城劫獄並突入縣署將強克捷全家戕害彼時李文成徒衆已在本籍搆亂遂不及分派賊黨進京林清不知外援已絕仍守株坐待旋經捕獲

立正刑誅李文成雖一時免脫究因傷重不能步履在滑城潛伏迄後官兵屢勝賊黨劉綱明等於未經合圍之先將該逆擁護出城乘坐大車沿途逃遁因帶傷不能遠逸旬餘之久僅逃至距滑城二百餘里之司寨官軍星馳追及立予殄戮檢驗屍身傷痕宛然林清李文成二首逆因未遂期會奸謀是以前後授首易如拉朽今全師告捷追思



強克捷首破逆謀厥功甚大而全家慘遭荼毒尤堪矜憫先曾降旨將該故員照例賜卹尙不足以旌其死事之忠強克捷著加恩照知府例賜卹並著入祀京師昭忠祠交該撫查明伊尙有無遺嗣著於服滿後承襲世職送部引見以示酬獎忠勲恩施優渥至意

臣等謹按節暴除奸守土者實有專責至於

危身報

國授命成仁在臣子亦分所當然強克捷身爲邑  
宰值奸人倡亂期約已成一經訪聞亟加捕  
治雖陳三木未備五刑僅使不良於行惜猶  
未抵於法旋以事起倉卒身邁艱屯未銷伏  
莽之憂終肆滔天之孽彼其心有遺憾尙何  
功之敢言我

皇上嘉其死事之忠前已

賜卹如例茲因司寨之捷

念其首破逆謀使李文成不能遠赴期會迅就殄誅  
綸言載錫

渥典優施嗣是次年閏二月四月復前後兩奉

恩旨以其功在社稷

惓惓不忘

賜諡忠烈給騎都尉世職復於韓城本籍建立專祠  
長子逢泰奉

命襲職次子望泰又

賞給舉人其屬賊不屈致被擄割之長媳徐氏仰蒙  
特加矜憫

勅贈節烈恭人建坊旌表並查明其從難之戚友僕  
婢悉於祠內列祀因是

推恩韓城士子永增學額

隆施稠疊曠代所希非徒強克捷全家銜感

厚恩其闔邑歌詠

聖澤凡海內臣民胥皆欽感

皇仁廉頑立懦矣

上又諭內閣曰九月十五日首逆林清分遣匪黨突  
入禁門其時西華門官兵全未擒捕以致賊夥數

十人盡數闖入門被賊開搜捕兩日始行淨盡該官兵等厥咎甚重是以概行發遣東華門當賊匪突入之時經官兵等卽行攔截將門扇掩闔祇闖入賊匪五名其二名於蒼震門內擒獲餘三名卽在東華門內殲斃現在節次拏究逸犯因東華門關閉後逃回者甚多是該官兵等尙屬功多罪少著加恩將前此革職之副叅領雙福降一等補用

護軍校真武保雙全俱賞給護軍其斥革之護軍  
巴彥圖官紹傅森布泳恰布全泰崑崙保鐘安瑪  
達春雙祥富清阿德克金布富克精額嚴喜那林  
俱賞給馬甲

上又諭內閣曰各省邪教之起其始止於燒香拜會  
聚眾歛錢或由數人至數十人多亦不過百餘人  
地方官一經訪問隨時拏獲按律懲辦邪說自可

漸熄無如州縣官因循怠玩於所屬村鎮匪徒夜聚晝散傳教授徒等事俱視爲固常不加究詰久之奸民徒黨衆多潛懷悖亂養癰滋蔓貽害至不可勝言前特降旨寬免地方官失察處分以除諱匿之弊仍恐伊等存畏事之見不認真查辦著再通行申諭嗣後各直省州縣官到任後先周歷村莊稽查保甲將境內有無邪教申報該管上司如



訪有萌蘖立即查拏究辦毋稍玩泄倘飾有爲無  
化大爲小經上司訪聞將該州縣從重叅處若州  
縣詳報而上司諱匿消弭該州縣直揭部科代爲  
陳奏將該管上司嚴懲不貸

上又諭內閣曰京營叅將趙廣德自九月十五日以  
後緝獲案犯甚多審訊皆係正犯並無妄拏被累  
者係屬認真辦事之員著加恩賞戴花翎仍賞加

一級以示獎勵

同日董誥等奏將續經各衙門鞫獲審明聽從入教之劉順兒等二犯擬發新疆給額魯特爲奴其鄭趙氏一犯改發駐防又應行緣坐之龔以文等七名擬發新疆給官兵爲奴其陳氏卽桂兒等十三口發往駐防並將年未及歲之龔吉兒等八名口一併隨同犯母赴配爲奴又聲

明廣東福建四川甘肅駐防四處女犯已有一  
百五十名口人數太多請酌添杭州江寧兩省  
駐防均勻發遣得

旨陳氏卽桂兒著改發新疆給額魯特爲奴其鄭趙  
氏等十三犯仍著於廣東福建四川甘肅四省均  
勻發遣毋庸分遣杭州江寧兩省餘依議

上又諭內閣曰此次逆案内發遣各處駐防爲奴人

犯本皆法無可貸因人數衆多不忍駢誅從寬貸  
其一死該犯等到配後著各該將軍都統等散撥  
各處安插勿令聚處仍嚴加管束如有不遵約束  
或故智復萌在彼傳教斂錢及乘間脫逃者該將  
軍等拏獲審明一面奏聞一面卽在該處正法毋  
稍寬縱

同日托津奏言竊臣前於十七日冒昧由開州

移營仰蒙

飭訓當卽於二十二日帶兵馳回旋於南樂途次接  
奉

硃諭令赴磁州一帶堵剿竄匪隨率同馬瑜等星夜  
帶兵轉回茲行抵磁州接據那彥成來信西竄  
賊匪四千餘人經楊芳等剿洗淨盡其逆首李  
文成劉惻明等在司寨自行舉火燒斃滑縣以

外再無成股賊匪指日消城攻破開州一路急  
須防堵臣拜摺後仍帶領官兵趕回開州邊境  
嚴密堵禦奏入

上是之

同日方受疇奏言竊臣前奉

諭旨確查李得水供出各情臣當將巡撫及臬司兩  
衙門各處文稟通行檢查均無報案又密飭臬

司諸以謙馳赴太康並派員前往遂平山內按  
照供內所指詳加訪緝據諸以謙等稟報詳查  
太康烟戶冊籍委無李得水所供趙得隴趙得  
鳳徐茂恭三犯其遂平縣嶺岬山等處並無外  
來遊民該處民人俱不知太行山小鐵梁名目  
是李得水節次供詞毫無影響均不足信奏入

得

旨軍機大臣會同刑部提訊李得水錄供具奏

十一月二十八日

辛卯

章煦奏言竊

臣

前奏拏獲

匪犯田克歧等散旗惑眾一案續據正定鉅鹿

平鄉等縣稟報拏獲吳錫光倪洛修王洛達等

二十餘犯並取獲黃紅號及藍布小旗數百面

與前獲旗樣書寫字跡大概相同當經訊明此

項旗面係大乘教案內現禁大名府監絞犯李



經給與其子李秋式樣交田克歧製造惑衆並  
另給其妻存有木戳等情查田克歧等俱在省  
南與豫省之賊聲息相通今得先期獲破自應  
澈底搜拏以除奸慝臣現在飭緝李盛元李拐  
子張九成張順添張六及其餘供出各要犯一  
併提省究辦謹將所訊供詞先行奏呈

御覽再臣遵

旨查擊范建豐家奴現在充徒之王二卽王彥又名  
巴延一犯到案一併訊取供詞進

呈一面將該犯解交刑部歸案審辦

上命軍機大臣傳諭章煦曰章煦奏續獲匪犯吳錫  
光等供出黨夥多係前歲所辦大乘教案內散會  
首今復敢潛蓄逆謀散旗給衆實屬罪大惡極該  
署督飭令地方各員獲犯破案俾該匪等不致聚

集滋事所辦甚好該署督卽飛飭所屬將供出之  
要犯李盛元李拐子張九成張順添張六等及所  
供逸犯務按名悉數緝獲親提嚴究訊取確供一  
面具奏一面卽將各犯於保定省城正法此等怙  
惡不悛之徒斷不可稍存姑息務須嚴行懲辦勿  
留餘孽該署督及獲犯破案各員俟拏獲首逆審  
明定案後再行分別施恩至李經一犯前因大乘

教案內爲從間擬緩罪免勾監禁大名府獄膽敢  
製造旗式給與其子李秋並給其妻收存木鞋輾  
轉惑衆啓不畏死著該署督將李經提至省城訊  
明按律正法示衆此外尙有同案之李景幅呂興  
旺劉美奐三犯分禁順德廣平永平三府獄內該  
犯等本非善類前次得邀寬典今李經一犯復敢  
潛肆逆謀則李景幅等三犯斷難再留著該署督

密飭順德廣平永平三府卽將李景幅呂興旺劉  
美與三犯立卽監斃以絕根株至馮克善各犯該  
署督飭屬嚴緝毋稍踈懈

上命軍機大臣傳諭百齡日前據百齡奏孛獲僧人  
緒乾在京與王棟林清彼此勾結認識當卽飭查  
王棟係范建豐家分給爲奴之犯因另案充徒保  
定隨飭交章煦提訊茲據奏訊王棟供稱伊因其

父王子重案內緣坐分給范建豐家爲奴嘉慶六年夏間有親戚布大勁兒同西四牌樓廣濟寺和尚並林清一共三人前來探望遂與林清相識並會到寺回看布大勁兒之父亦係教中人與伊父同案犯罪布大勁兒在逃未獲因其母亦在京爲奴時常進京看望並與林清契好故此引來與伊相會其廣濟寺和尚亦係山東人記不真法名惟

稱呼慶師傅伊實係東方教頭股下約有三百餘人內布大勁兒並布二勁兒及伊堂兄孫兒響兒俱係伊父王子重舊日頭目因伊年輕又在京不能照管俱係布大勁兒等四人在山東辦事布二勁兒先亦解京分給范建中爲奴旋即逃去不知去向其餘股下人分散山東河南地方伊不能指出姓名亦無底冊可查等語王棟一犯現今解京

交刑部研訊其在保定所供與林清緒乾往來認識與百齡前奏大畧相同惟廣濟寺和尚稱爲慶師傅著百齡提訊緒乾伊前在廣濟寺充當知客時是否另有法名有慶字在內該僧人係東方教頭手下有三百餘人其布大勁兒布二勁兒王孫兒王響兒均在山東幫伊辦事其行蹤下落緒乾自必備知著向緒乾嚴訊按名查拏務獲審明按



律治罪並嚴訊伊等與林清如何勾結謀逆務令  
確實供吐無稍含混如京城尙有逆黨潛伏訊明  
姓名住址飛速奏聞至緒乾所供約會太監蕭得  
祿劉福慶一節王棟供內全未提及蕭得祿實係  
總管但爲民已七八年病故又已四年其人素好  
念經拜佛常向各寺院燒香廣濟寺亦其素常往  
來之處彼時劉福慶尙係散太監常隨蕭得祿出

入或曾同至廣濟寺與緒乾會面伊二人皆語言  
尖薄或竟有凌侮緒乾之事此時緒乾挾嫌誣扳  
亦未可定百齡審訊時不可將蕭得祿久已病故  
先向緒乾說破但設法向伊駁詰伊無可置辯自  
必吐露真情獲有確供迅速由驛覆奏尙有程大  
秤一犯此時究在何處嚴訊確實具奏

上又命軍機大臣傳諭章煦曰馮克善一犯昨據宋

躍澆供出本月十五日由景州隆化鎮前赴山西  
並有繞道祁州之語其年貌衣履昨已詳細飭知  
該犯爲逆匪渠魁前此曾據賊供林清係天皇李  
文成係人皇馮克善係地皇今林清李文成皆已  
殲戮惟該犯尙未就獲或此時尚在直隸境內著  
章煦務多派妥幹員弁於直隸赴山西各關津隘  
口及村莊客店詳細盤詰期於必獲一經拏獲卽

嚴行鎖鑰解京必將該署督及獲犯之員厚與恩  
施再滑城合圍已久計日當可攻復數日未據那  
彥成等奏報甚爲懸厪此數日軍營曾否進兵直  
隸附近豫省州縣必有稟報著章煦先行奏聞以  
慰厪注

十一月三十日癸巳衡齡奏審辦捏名控告王銀

廣等謀叛一案究出秦定宇一犯因被王銀廣

等誘賭輸錢逼欠情迫捏寫書信布旗誣王銀  
廣王泳年與牛亮臣勾結謀反屬實比對筆跡  
相符請將秦定宇照例擬斬監候秋後處決王  
銀廣王泳年局賭釀衅各杖一百徒三年等因  
奏入

上諭內閣曰衡齡奏拏獲捏名誣陷王銀廣等案犯  
秦定宇審明分別定擬一摺此案秦定宇因被王

銀廣誘令賭博輸欠情急輒假捏叛匪姓名書信  
誣人謀逆重罪且於布旗內書寫悖逆字樣現當  
匪徒滋事之時該犯圖洩私忿造作逆詞搖惑人  
心情節尤爲可惡該撫照例擬以斬監候不請旨  
卽行正法所辦未免拘泥秦定字著卽處斬並著  
該撫出示曉諭地方居民如知有真正謀逆之犯  
赴官首告一經審實必當重加獎賞若挾嫌誣捏

審明後亦必重加懲辦立正典刑庶小民共知勸懲不敢以假亂真至王銀廣一犯誘令秦定宇賄博以致釀成此案擬以杖徒尙覺輕縱王銀廣著杖一百發邊遠充軍餘依議

臣等謹按邪匪滋事之初其伏匿未動者不少或由官司捕戮或由閭里告發爬梳剔抉草薶而禽獮之而無賴游民乘機作偽挾嫌

報復遂有藉端誣讎者夫叛逆不得不辦奸  
尤不得不懲使不澈底究明從嚴剖斷非所以  
靖民心而彰治道也是編所載如秦定宇孫  
國柱劉大秋許告諸案其尤甚者我

皇上於衡齡審辦秦定宇一案以其僅擬斬候辦理  
拘泥

降旨將該犯卽行正法並令出示曉諭地方居民凡



首告謀逆得實者必重加獎賞虛捏者必立正典

刑

賞罰昭然勸懲不爽孫國柱劉大秋兩案皆照此辦

理此外隨時懲創者尙不一而足故前後捕

訊數百起真正賊黨悉皆破露而善良得以

自伸譎張不能爲幻良由

到治清明不敢以僞亂真也

衡齡又奏言竊臣前經奏明親赴潞澤一帶嚴

防茲查司舉賊匪業經官兵剿捕殆盡惟滑城

克復在即恐有賊匪潰竄必須嚴密堵剿查黎

城陵川壺關及潞城等縣各隘口佈置均尙周

密惟山外地方遼濶張績駐兵山旺莊地方相

距尙遠臣擬將續調大同兵五百名卽在山外

之寶泉地方設卡防守派汾州營叅將馬驥管

領使隘口內外兵勢益加聯絡臣仍帶撫標兵  
二百名督率巡防不敢踈懈

同日署古北口提督文寧奏言前經欽奉

諭旨密查曹綸在獨石口有無約人入會私製器械  
及現在有無匪犯潛匿各情當經派員逐細察訪

查曹綸舊管兵丁內並無聽從入教之人亦無  
私蓄器械馬匹惟據兵丁郭全供十月二十三

日曾有曹綸第三子交給書信一封令其帶京  
現將此信呈出臣等查閱信內並無別故現在  
該地方甚屬安靜奏入均報

聞